


卷二十六

廣文選卷第一



書名 廣文選八十二卷 嘉靖十二年序刊本
撰者 明 劉節 輯
卷 卷二十六
內容分類 集-總集-詩文
索書號 大木-集部-總集類-3

編號 D7920300

彩色首頁1

東洋文化研究所漢籍目錄 編號: D7920300

東洋文化研究所漢籍目錄所藏漢籍善本文影像資料庫 索書號: 大木-集部-總集類-3

漢籍善本文影像資料庫文本 廣文選八十二卷 嘉靖十二年序刊本

版權所有: 東京大學 東洋文化研究所
使用上的注意事項

天地廣

天地賦

成公子安



明通議大夫都察院右副都御史大庾劉節廣

惟自然之初載兮道虛無而玄清太素紛以溷淆兮始
有物下而混成何元一之芒昧兮廓開闢而著形爾乃清
濁剖玄黃判離太極既殊是生兩儀星辰煥列日月
重規以尊地靜以卑昏明迭炤或盈或虧陰陽協
氣而寒暑隨時而推移三才殊性五行異位千變
萬化度類授之以形稟之以氣色表文采聲有音
律復言

廣文選卷第一

廣文選卷第二十六

明通議大夫都察院右副都御史大庾劉節廣

詩

雜詩下

述昏詩

秦嘉

羣祥既集二族交歡敬茲新昏六禮不愆羔鴈總備王
帛芟芟君子將事威儀孔閑倚兮容兮穆矣其言紛彼
婚姻禍患之由衛女興齊褻姒滅周戰戰兢兢懼德不
仇神啓其吉果獲令攸我之愛矣荷天之休

翠鳥詩

蔡伯喈

庭陬有若榴綠葉含丹榮翠鳥時來集振翼脩形容迴
顧生碧色動搖楊縹青幸脫虞人機得親君子庭馴心

托君素雌雄保百齡

為潘文則思親詩

王仲宣

穆穆顯妣德音徽止思齊仙姑志侔姜似躬此勞瘁鞠予小子小子之生遭世罔寧烈考勤時從之于征奄邁不造殷憂是嬰嗒予靡及退守祧祊五服荒離四國分爭禍難斯逼救死於頸嗟我懷歸弗克弗逞聖善獨勞莫慰其心春秋代逝于茲九齡緬彼行路焉託予誠予誠既否委之於天庶我剛妣克保遐年疊疊惟懼心乎如懸如何不吊早世徂顛於存弗養於後弗臨遺愆在體慘痛切心形景尸立竟爽飛沉在昔蓼莪哀有餘音我之此譬憂其獨深胡寧視息以濟于今巖巖聚險則不可催仰瞻歸雲俯聆鸞回飛焉靡習共超焉靡階思若流波情似坻頽詩之作矣情以告哀

蕙詠詩

繁休伯

蕙草生山北托身失所依植根陰崖側夙夜懼危頽寒泉浸我根淒風常徘徊三光照八極獨不蒙餘暉葩葉未彫悴疑霜不暇晷百草皆含榮已獨失時姿比我英芳發鶻鳩鳴已哀

為挽船士與新娶妻別詩

徐偉長

與君結新婚宿昔當別離涼風動秋草蟋蟀鳴相隨冽冽寒蟬吟蟬吟抱枯枝枯枝時飛揚身體忽遷移不悲身體移當惜歲月馳歲月無窮極會合安可知願為雙黃鵠悲鳴戲清池

思親詩

嵇叔夜

奈何愁兮愁無聊恒惻惻兮心若抽愁奈何兮悲思多情鬱結兮不可化奄失恃兮孤煢煢肉自悼兮啼失聲思報德兮邈已絕感鞠育兮情剝裂嗟母兄兮未潛藏想形容兮內摧傷感陽春兮思慈親欲一見兮路無因望南山兮發哀嘆感机杖兮涕汎瀾念疇昔兮母兄在心逸豫兮壽四海忽已逝兮心崩摧中夜悲兮當誰告獨杖淚兮抱哀戚日遠邁兮思予心戀所生兮淚不禁慈母歿兮誰予驕顧自憐兮心切切訴蒼天兮天不聞淚如雨兮嘆青雲欲棄憂兮尋復來痛殷殷兮不可裁

酒會詩

六首

嵇叔夜

淡淡流水淪胥而逝汎汎栢舟載浮載滯微嘯清風鼓楫容裔放櫂投竿優游卒歲

樓靈洲搖蕩清波與之沉浮
鴛鴦戢翼而遊俯啜綠藻託身洪流朝翔素瀨夕

蘭池和聲激朗操縵清商遊心大象傾昧脩身惠音遺響鍾期不存我志誰賞

歛絃散思遊釣九淵重流千仞或餌者懸猗與莊老棲遲末年寔惟龍化蕩志浩然

肅肅零風分生江湄却背華林俯泝丹坻含陽吐英履霜不衰嗟我殊觀百卉具腓心之憂矣孰識玄機

猗猗蘭藹殖彼中原綠葉幽茂麗葉濃繁馥馥蕙芳順風而宣將御椒房吐薰龍軒瞻彼秋草悵矣惟騫

北芒客舍詩

劉伯倫

決漉望舒隱躡黓玄夜陰寒鷄思天曙擁翅吹長音蚊

蚋歸豐草枯葉散蕭林陳醴發悴顏色歛暢真心溫被
終不曉斯嘆信難任何以除斯歎付之與瑟琴長笛響
中夕聞此消胸襟

擣衣詩

曹輔佐

寒興御紈素佳人治衣襟冬夜清且永皓月照堂陰織
手疊輕素朗杵叩鳴砧清風流繁節迴颺灑微吟嗟此
嘉運速悼彼幽帶心二物感余懷豈但聲與音

內顧詩

潘正叔

靜居懷所歡登城望四澤春草鬱青青桑者何奕奕芳
華振丹榮淥水激素石初征冰未泮忽焉振絺綌漫漫
三十里迢迢遠行客馳情忘朱顏寸陰過盈尺夜愁極
清晨朝悲終日夕山川自悠末願言良不獲別須訴歸
期雲沉不可釋

孫登隱居詩

庾仲初

靈巖霞蔚石室鱗構青松標空蘭泉吐漏龍薈可遊芳
津可漱玄谷蕭寥鳴琴獨奏先生體之寂坐幽岸凝水
結樸熙陽靡煥潛真內全飛榮外散凌崖高嘯希風朗
彈道有冥廢運有昏消達隱不巖玄跡不標或曰先生
晦德逍遙稽子秀達英風朗烈道雋薰芳鮮不玉折兆
動初萌妙鑒奇絕翹首丘冥仰想玄哲

秋日詩

孫興公

蕭瑟仲秋月颼唳風雲高山居感時變遠客興長謠踈
林積涼風虛岫結凝霄湛露灑庭林密葉辭榮條撫菌
悲先落鬱松羨後凋垂綸在林野交情遠市朝澹然古

懷心濠上起伊遙

形影神

陶淵明

貴賤賢愚莫不營營以惜生斯甚惑焉故極陳形影之苦言神辨自然以釋之好事君子共取其心焉

形贈影

天地常不沒山川無改時草木得常理霜露榮悴之謂人最靈智獨復不如茲適見在世中奄去靡歸期奚覺無一人親識豈相思但餘平生物舉目情悽泐我無騰化術必爾不復疑願君取吾言得酒莫苟辭

影答形

存生不可言衛生每苦拙誠願游崑華邈然茲道絕與子相遇來未嘗異悲悅懋蔭若暫乖止日終不別此固常黯爾俱時滅身沒名亦盡念之五情熱立善有交胡爲不自竭酒云能消憂方此詎不勞

神釋

至無私力萬理自森著人爲三才中豈不以我故與雖異物生而相依附結託善惡同安得不相語三皇聖人今復在何處彭祖壽末年欲留不得住老少同死賢愚無復數日醉或能忘將非促齡具立善常所誰當爲汝譽甚念傷吾生正宜委運去縱浪大化中喜亦不懼應盡便須盡無復獨多慮

乞食詩

陶淵明

饑來驅我去不知竟何之行行至斯里叩門拙言辭主人解余意遺贈豈虛來談話終日夕觴至輒傾杯情欣

新知歡言詠遂賦詩感子漂母惠愧我非韓才銜戢知
何謝冥報以相貽

連雨獨飲詩

陶淵明

運生會歸盡終古謂之然世間有松喬於今定何間故
老贈余酒乃言飲得仙試酌自情遠重觴忽忘天天際
去此幾任真無所先雲鶴有奇翼八表須臾還自我抱
茲獨儂俛四十年形骸久已化心在復何言

飲酒詩

十八首

陶淵明

衰榮無定在彼此更共之邵生瓜田中寧似東陵時寒
暑有代謝人道每如茲達人解其會逝將不復疑忽與
一觴酒日夕歡相持

積善云有報夷叔在西山善惡苟不應何事空立言九
十行帶索饑寒况當年不賴固窮節百世當誰傳

道喪向千載人人惜其情有酒不肯飲但顧世間名所
以貴我身豈不在一生一生復能幾倏如流電驚鼎鼎
百年內持此欲何成

棲棲失羣鳥日暮猶獨飛徘徊無定止夜夜聲轉悲厲
響思清遠去來何依依自值孤生松斂翮遙來歸勁風
無榮木此蔭獨不衰託身已得所千載不相違

行止千萬端誰知非與是是非苟相形雷同共譽毀三
季多此事達士似不爾咄咄俗中惡且當從黃綺

青松在東園衆草沒奇姿凝霜殄異類卓然見高枝連
林人不覺獨樹衆乃奇提壺挂寒柯遠望時復爲吾生
夢幻間何事繼塵羈

清晨聞叩門倒裳往自開問子爲誰歟田父有好懷壺
漿遠見候疑我與時乖縵縷茅簷下未足爲高棲一世
皆尚同願君汨其泥深感父老言稟氣寡所諧紆轡誠
可學違已詎非迷且共歡此飲吾駕不可回
在昔曾遠遊直至東海隅道路迴且長風波阻中塗此
行誰使然似爲饑所驅傾身營一飽少許便有餘恐此
非名計息駕歸閒居

顏生稱爲仁榮公言有道屢空不獲年長饑至于老雖
留身後名一生亦枯槁死去何所知稱心固爲好客養
千金軀臨化消其寶裸葬何必惡人當解意表長公曾
一仕壯節忽失時杜門不復出終身與世辭仲理歸大
澤高風始在茲一往便當已何爲復狐疑去去當奚道
世俗久相欺擺落悠悠談請從余所之

有客常同止趨捨邈異境一士長獨醉一夫終難醒醒
醉還相笑發言各不領規規一何愚兀傲差若賴寄言
酣中客日沒燭當秉

故人賞我趣挈壺相與至班荆坐松下數斟已復醉父
老雜亂言觴酌失行次不覺知有我安知物爲貴悠悠
迷所留酒中有深味

貧居乏人工灌木荒余宅班班有翔鳥寂寂無行迹宇
宙一何悠人生少至百歲月相催逼鬢邊早已白若不
委窮達素抱深可惜

少年罕人事遊好在六經行行向不惑淹留遂無成竟
抱固窮節饑寒飽所更弊廬交悲風荒草沒前庭披褐

守長夜晨鷄不肯鳴孟公不在茲終以翳吾情

幽蘭生前庭含薰待清風清風脫然至見別蕭艾中行
行失故路任道或能通覺悟當念還鳥盡廢良弓

子雲性嗜酒家貧無由得時賴好事人載醪祛所惑觴
來為之盡是諮無不塞有時不肯言豈不在伐國仁者
用其心何嘗失顯默

疇昔苦長饑投耒去學仕將養不得節凍餒固纏已
是時向立年志意多所耻遂盡介然分終死歸田里冉冉
星氣流亭亭復一紀世路廊悠悠揚朱所以止雖無揮
金事濁酒聊可恃

羲農去我久舉世少復真汲汲曾中叟彌縫使其淳鳳
鳥雖不至禮樂暫得新洙泗輟微響漂流逮狂秦詩書
復何罪一朝成灰塵區區諸老翁為事誠慙慙如何絕
世下六籍無一親終日馳車走不見所問津若復不快
飲空負頭上巾但恨多謬誤君當恕罪人

述酒詩

陶淵明

重離照南陸鳴鳥聲相聞秋草雖未黃融風久已分素
礫晶脩渚南嶽無餘雲豫章抗高門重華固靈墳流淚
抱中歎傾耳聽司晨神州獻嘉粟西靈為我馴諸梁董
師旅羊勝喪其身山陽歸下國成名猶不勤卜生善斯
牧安樂不為君平生去舊京峽中納遺薰雙陵甫云育
三趾顯奇文王子愛清吹日中翔河汾朱公練九齒閒
居離世紛栽栽西嶺內偃昔常所親天容自未固彭殤
非等倫

種桑詩

謝靈運

詩人陳條柯亦有美穰剔前脩為誰故後事資紡績常
佩智方誠愧微富教溢浮陽鷺嘉月藝桑迨間隙踈欄
發近鄂長行達廣場曠流始悲泉洄塗猶跬跡俾此將
長成慰我海外役

雜擬

擬古

何平叔

雙鶴比翼遊群飛戲太清常恐天網羅憂禍一旦并豈
若集五湖順流唼浮萍逍遙放志意何為怵惕驚

擬古 八首

陶淵明

榮榮牕下蘭密密堂前柳初與君別時不謂行當久出
萬里客中道逢嘉友未言心相醉不在接不酒蘭結
人命離隔復何有

辭家夙嚴駕當往志無終問君今何行非商復非戎聞
有田子春節義為士雄斯人久已死鄉里習其風生有
高世名既沒傳無窮不學狂馳子直在百年中

仲春遘時雨始雷發東隅衆蟄各潛駭草木從橫舒翩
翻新來燕雙雙入我廬先巢故尚在相將還舊居自從
分別來門庭日荒蕪我心固匪石君情定何如

迢迢百尺樓分甌望四荒暮作歸雲宅朝為飛鳥堂山
河滿目中平原獨茫茫古時功名士慷慨爭此場一旦
百歲後相與還北邙松柏為人伐高墳互低昂頽基無
遺主遊魂在何方榮華誠足貴亦復可憐傷

東方有一士被服常不完三旬九遇食十年著一冠辛
勤無此比常有好看顏我欲觀其人晨去越河關青松
夾路生白雲宿簷端知我故來意取琴為我彈上絃驚
別鶴下絃操孤鸞願留就君住從今至歲寒

蒼蒼谷中樹冬夏常如茲年年見霜雪誰謂不知時厭
聞世上語結友到臨淄稷下多談士指彼決吾疑裝束
既有日已與家人辭行行停出門還坐更自思不怨道
里長但畏人我欺萬一不合意求為世笑之伊懷難具
道為我作此詩

少時壯且厲撫劍獨行遊誰言行遊近張掖至幽州饑
食首陽薇渴飲易水流不見相知人惟見古時丘路邊
兩高墳伯牙與莊周此士難再得吾行欲何求

種桑長江邊三年望當採枝條始欲茂忽值山河改柯
葉自摧折根株浮滄海春蠶既無食寒衣欲誰待本不
值高原今日復何悔

華林園效栢梁體詩

宋武帝

九宮盛事予旒纁宋孝武帝三輔務根誠難亮揚州刺史江

策拙粉鄉慙恩望南徐州刺史折衡莫效與民謗領軍

臣元景侍禁衛儲恩踰量太子右呂謬叨寵九流曠吏部

莊喉唇廢職方思讓侍中明筆直繩天威諒御史中丞

學劉公幹體

鮑明遠

白日正中時天下共光明北園有細草當晝正含霜乖
榮頓如此何用獨芬芳抽琴為爾聲絃斷不成章

擬阮公夜中不能寐

鮑明遠

漏分不能卧酌酒亂繁憂惠氣憑夜清素景綠隙流鳴
鶴時一聞千里絕無儔佇立為誰久寂寞空自愁

學陶公體

鮑明遠

長憂非生意短願不須多但使樽酒滿朋舊數相過秋
風七八月清露潤綺羅提瑟當戶坐歎息望天河保此
無傾動寧復滯風波

擬古

鮑明遠

幽并重騎射少年好馳逐氈帶佩雙鞬象弧插雕服獸
肥春草短飛鞚越平陸朝遊鴈門上暮還

擬客從遠方來

鮑令暉

客從遠方來贈我漆鳴琴木有相思文絃有別離音終
身執此調歲寒不改心願作陽春曲宮商長相尋

清晨殿效栢梁體

梁武帝

居中負宸寄纓紱帝言慙輻湊政無術新安太守任昉至德無

恨愧違弼徐徐勉爨贊京河豈微物丹陽丞劉洸竊侍兩宮慙

樞密黃門侍郎柳愷清通簡要臣豈汨吏部郎中謝覽出入帷宸濫榮

秩侍中張卷復道龍樓歌琳實太子中庶子王峻空班獨坐慙羊質

御史中嗣以書記臣敢匹右軍主簿陸倕謬參和鼎講畫一司徒

主簿劉洽鼎味參和臣多賈司徒左西屬江革

效古

沈休文

可憐桂樹枝单雄憶故雌歲暮異棲宿春至猶別離山
河隔長路路遠絕容儀豈云無我匹寸心終不移

戲作謝惠連

沈休文

雜葢映南庭庭中光景媚可憐枝上花早得春風意春

製 複 許 不

NOT TO BE REPRODUCED

東京大学東洋文化研究所

風復有情拂慢且開楹盈盈開碧煙拂慢復垂簾偏使
紅花散飄揚落眼前眼亦多無况參差鬱相望珠繩翡
翠帷綺幕芙蓉帳香煙出牕裏落月斜階上日影去遲
遲節花咸在茲桃枝紅若點柳葉亂如絲絲條轉暮光
影落暮光長春燕雙雙舞春心處處揚酒滿心聊足萱
枝愁不忘

效阮公體三首

江文通

夏后乘兩龍高會在帝靈榮光河維出白雲蒼梧來侍
御多賢聖升降有群才四時有變化盛明不徘徊高陽
邈已遠竚立誰語哉

昔余登大梁西南望洪河時寒原野曠風急霜露多仲
冬正慘切日月少光華落葉縱橫起飛鳥時相遇搔首
廣川陰懷歸思如何常願反初服閑步頻水阿

從軍出隴北長望陰山雲涇渭各異流恩情於此分故
人贈寶劍鏤以瑤草文一言鳳獨立再說鸞無群何得
晨風起悠哉凌翠氛黃鵠去千里垂涕爲報君

廣文選卷第二十六

江都葛澗校